



E-book

AROMA TERAPIA ANTI-VIRUS



.....
Syreal S. Aniceta
Terapeuta Holístico
Kòrsou & Brazil
.....

Introdukshon

Humanidat a konosé diferente malesanan infeksioso segun nos historia. E malesanan aki ta un menasa prinsipalmente pa e hende ku un sistema di defenza (inmunitat) abou entre otro pa motibu di uso di remedi, falta di mineral i vitamina, edat òf malesa.

Aktualmente humanidat ta konfrontando e vírùs di corona SARS-Cov-2 kual ta kousa Covid-19 i sifranan ta mustra ku di e infekshonnan ku e vírùs aki, 80 % ta super'é ku fasilidat, 15 % ta bira basta malu i e otro 5 % - kual ta esnan di sistema di defenza abou- ta esnan ku ta sufri mas tantu ku un probabilidad mas haltu di pèrdè nan bida.

E preguntanan ta:

Kon nos por ta preventivo ?

Kon nos por oumentá nos sistema di defenza ?

Kiko ta Aroma Terapia i kiko siensia a komprobá pa ku su propiedatnan anti-vírùs i efekto riba sistema di defenza di hende ?

Algun malesa infeksioso di historia

541 Plaga "Justinian"

1347 Plaga "Black Death"

1510 Influenza

1520 Sende Paga (Variola Virus)

1817 Kòlera (promé pandemia di dje)

1912 Sarampi (Measles)

1981 AIDS (HIV)

2003 SARS (famia Corona Vírus)

2004 Ebola

Historia di 4 Ladron

Un historia ta konta ku e "bubonic plague" tabata asotá Fransia i diferente otro pais di Europa matando entre 30- 50% di e poblashonnan.

Síntomanan

igual na grip tabata keintura haltu, doló di kabes, tosamentu i problema pa hala rosea. Tabatin hopi hende drumí malu den nan kas, suak dor di e malesa.

Pero apesar di e peliger pa wòrdu kontagiá (pa medio di pieu ku ta pasa riba bo kurpa, kontakto direkto ku hende of su tosá i kontakto ku likido di un kadaver infektá), e kuater ladronnan a disidí di probechá di e situashon pa drenta kas di hende malu i di e kadavernan pa hòrta.

Tur hende tabata asombrá kon e ladronnan tabata drenta i mishi tur kaminda sin bira malu i asina nan a sigui hòrta sin wòrdu kontagiá.

E ladronnan su sekreto

Na momento ku outoridatnan franses a gara e kuater ladronnan, e ladronnan a deklará ku nan tabata usa matanan antiséptiko i anti-vírùs ku nan a laga para trèk 15 dia den binager. E reseta di nan a wòrdu yamá: Binager di e 4 ladronnan.

Investigashon

E kímiko franses René GATTEFOSSÉ durante su trabounan den su laboratorio a hasi diferente deskubrimentu di komposishon kímiko i aroma di ekstraktonan di mata.

Na aña 1928, e'la bini ku e nòmber AROMA TERAPIA pa henter e siensia i uso di e zetanan i ekstrakshonnan di e matanan pa nan propiedatnan aromátiko, medisinal i kosmético.

NOTA:

- E palabra "aroma" ta duna un impreshon limitá paso e siensia di AROMA TERAPIA ta bai mas leu ku solamente aroma.



- Orígen di Aroma Terapia ta bai te na sivilisashonnan antiguo di Egipto, Gresia, Roma, Babilonia, India, China i tambe Europa.



Kiko ta Aroma Terapia ?

Aroma Terapia ta un Medisina Tradishonal i Terapia Alternativo i Komplementario ku ta usa zetanan esensial (essential oils) i ekstrakshonnan terapéutiko di diferente parti di e matanan pa prevení i trata desekilibrio nan físiko, emoshonal i energhético.

Aroma Terapia den Medisina

E médiko franses Jean VALNET tabata traha ku sòldánan di Di Dos Gera Mundial i ku e konosementu di GATTEFOSSÉ e tabata usa e zetanan esensial di e matanan na momento ku su produktonan antiséptiko di farmasia kaba. I asina AROMA TERAPIA a bin haña aseptashon ku un base sientífiko den medisina franses tradishonal i despues tambe den **Medisina Integrativo**. Na Inglatera a kumisa hasi uso di e zetanan esensial den hospital komo antiséptiko.

Terapéutiko

E biokímiko franses Marguerite MAURY tabata duna masashi ku e zetanan i tambe apliká nan na tratamentunan di beyesa. Den masashi terapéutiko modèrno, zetanan esensial (essential oils) tin un posishon klave ya ku nan ta reforsá e trabou manual di e masashista, fasilitando e proseso di relahamentu muskular i mental i kontribuí na, entre otro, prosesonan di rekuperashon di e kurpa.

Otro Akshonnan

E zetanan esensial ta ekselente pa protehá nos kurpa di vírùs pa motibu ku nan tin komponentenan anti-vírùs pero mas importante aindi, nan ta hisa e sistema di defensa di nos kurpa i asina yuda e soldánan di nos sistema di imunidat. Pesei nan ta ekselente pa agregá na un estilo di bida saludábel pa prevení malesa.

Mas Komun

Algún di e zetanan mas komun i mas usá den Aroma Terapía en general ta e zeta esensial di Lavender, Chamomile, Eucalyptus, Tea Tree, Lemon, Bergamot, Ylang Ylang, Rosemary i tambe Peppermint.

Importante sí pa, promé bo hasi uso di un zeta esensial, bo buska informashon pa sa ta kua ta e propiedatnan i kuidadónan di prevenshon ku mester tuma pa ku e zeta spesífiko ku bo ta bai usa ya ku esakinan ta ekstraktonan sumamente potente i por kòusa reakshonnan indeseá den kaso bo no usa nan manera indiká.

Kurso Anti-Vírùs

Pa protegá bo mes i bo famia kontra Corona Vírùs nos ta ofrese e kurso online na papiamentu:

"Aroma Terapía Anti-Vírùs"

Kual ta trata e zetanan esensial sientifikamente probá di ta efektivu kontra di e vírùs aki i

den reforsá sistema di defensa (imunidat) di hende.

Inskribí via whatsapp
+5999 682 5024

Tokante Outor



Syreal S. Aniceta
ta un terapeuta holístiko
i a risibí su preparashon i
sertifikashon di
AROMA TERAPIA i
PSICO AROMA TERAPIA

na 2013 bou di guia di profesora Telma Insuela di
Instituto Brasileiro de Aromatologia, esaki den
kolaborashon ku Empório LASZLO Brazil.

Syreal tambe ta un masahista diplomá, e ta sertifiká
komo herbalista, profesora di baile i nutrishon
"plant-based" i ta direktora di Organics Foundation
kual ta promove agrikultura orgániko na Kòrsou.

